

306

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona ("Službene novine HNK", broj: 3/07 i 5/09) i člana 51. stav 3. Zakona o turističkim zajednicama i unapređenju turizma u Hercegovačko-neretvanskom kantonu ("Službene novine HNK", broj: 5/00), Vlada Hercegovačko-neretvanskog kantona je na nastavku 56. sjednice održanom 15.07.2010. godine 2010. godine, donijela

## U R E D B U O BORAVIŠNOJ TAKSI U HNK

### Član 1.

Ovom Uredbom uređuje se obaveza plaćanja boravišne takse, obaveznici plaćanja, te naplate i raspoređivanje sredstava boravišne takse.

### Član 2.

Boravišnu taksu plaća građanin - domaći i strani državljanin koji se izvan svog prebivališta u turističkom mjestu koristi uslugama noćenja u smještajnom objektu u kojem se obavlja ugostiteljska ili turistička djelatnost.

Boravišna taksa plaća se po svakom ostvarenom noćenju.

Smještajnim objektom u smislu ove Uredbe podrazumijevaju se: hotel, pansion, motel, apartman, odmaralište za djecu i omladinu, kamp, kuća i stan za odmor, soba za iznajmljivanje, lječilište, planinarski dom, omladinski hotel, apartman kojega pravno i fizičko lice izdaje turistima i putnicima, vez u luci nautičkog turizma i svi drugi objekti u kojima se turistima i putnicima pružaju usluge smještaja.

### Član 3.

Boravišnu taksu plaća vlasnik kuće ili stana za odmor u turističkom mjestu i sva lica koja borave u toj kući ili stanu.

Lica iz stava 1. ovog člana boravišnu taksu plaćaju kada u kući i stanu za odmor u turističkom mjestu borave u periodu ljetne sezone od 15. juna do 15. septembra ili za period zimske sezone od 15. decembra do 15. marta.

Boravišnu taksu plaća i vlasnik plovila koje se nalazi na vezu u luci nautičkog turizma kada boravi na plovilu te sva lica koja borave na tom plovilu.

Kućom ili stanom za odmor iz stava 1. ovog člana smatra se svaka zgrada ili stan koji se koriste sezonski ili povremeno.

Kućom za odmor, u smislu ove Uredbe, ne smatraju se gospodarske zgrade koje služe za smještaj poljoprivrednih mašina, alata i sl.

### Član 4.

Boravišnu taksu ne plaćaju:

1. djeca do dvanaest godina starosti,
2. slijepa, gluha i lica s tjelesnim invaliditetom,
3. sudionici školskih ekurzija organizovanih od strane školske ustanove,
4. lica upućena na liječenje u lječilište od strane zdravstvene ustanove,
5. strani državljanin koji su po međunarodnim propisima i sporazumima oslobođeni plaćanja takse,
6. pripadnici Ministarstva unutrašnjih poslova i Ministarstva odbrane, kada noće u smještajnom objektu, a nalaze sa na izvršenju službenih zadataka,
7. sezonski radnici s prijavljenim boravkom u turističkom mjestu.

### Član 5.

Lica od 12 do navršениh 26 godina starosti, plaćaju boravišnu taksu umanjenu za 50%.

### Član 6.

Vlasnik iz člana 3. stav 1. ove Uredbe i članovi njegove uže porodice, plaćaju boravišnu taksu umanjenu za 70%.

Članovima uže porodice vlasnika kuće i stana za odmor u smislu ove Uredbe smatraju se supružnici, djeca, pastorčad, usvojenici, roditelji i usvojitelji.

Na strane državljanine ne primjenjuje se odredba stava 1. ovog člana.

### Član 7.

Fizička lica koja su registrovana za pružanje usluga smještaja u domaćinstvu u skladu sa propisom kojim se uređuje ugostiteljska djelatnost (u daljnjem tekstu: ugostitelj), plaćaju godišnji paušalni iznos boravišne takse za svaki krevet i smještajnu jedinicu u kampu koji se koriste za pružanje usluga smještaja.

Dodatni (pomoćni kreveti) oslobođeni su plaćanja godišnjeg paušalnog iznosa boravišne takse.

Iznimno od odredaba stava 1. ovog člana, ugostitelj koji u skladu sa rješenjem o odobrenju za pružanje ugostiteljskih usluga smještaja u domaćinstvu, iznajmljuje dvije sobe ili jedan apartman do najviše četiri postelje, u opštinama u kojima je prosječna godišnja popunjenost kapaciteta u privatnom smještaju prema podacima turističke zajednice manja od 40 dana, boravišnu taksu mogu naplatiti istodobno

## Hercegovačko-neretvanskog kantona

s naplatom pružene usluge noćenja ili boravišnu taksu platiti u paušalnom iznosu.

Ugostitelji su dužni godišnji paušalni iznos boravišne takse uplatiti na uplatni račun turističke zajednice kantona do 31. jula tekuće godine ili u tri rate, s tim da posljednja rata doprijeva 30. septembra tekuće godine, a u skladu sa propisom koji donosi Vlada HNK.

Godišnji paušalni iznos boravišne takse iz stava 3. ovog člana je proizvod broja kreveta, odnosno broja smještajnih jedinica u kampu, koeficijenta razreda turističkog mjesta u kojem se pružaju usluge smještaja u domaćinstvu iz stava 5. ovog člana i visine boravišne takse iz stava 6. ovog člana.

Koeficijenti razreda turističkog mjesta u kojima se pružaju usluge iz stava 1. ovog člana, utvrđuju se u visini 1,00 za razred A, u visini 0,80 za razred B, u visini 0,70 za razred C, i u visini 0,50 za razred D.

Visinu boravišne takse iz stava 4. ovog člana na prijedlog kantonalnog ministra nadležnog za turizam (u daljnjem tekstu: ministar) utvrđuje Vlada HNK (u daljnjem tekstu: Vlada).

## Član 8.

Lica iz čl. 4, 5. i 6. ove Uredbe dokazuju pravo na oslobađanje od plaćanja boravišne takse: ličnom kartom, iskaznicom odgovarajućih udruženja građana, potvrđama škola, preduzeća, liječničkim svjedočanstvima i sličnim ispravama.

## Član 9.

Visinu boravišne takse na prijedlog ministra utvrđuje Vlada u drugoj polovini tekuće godine za slijedeću godinu.

Vlada će na prijedlog ministra utvrditi razdoblja turističke predsezone, glavne turističke sezone i turističke posezone u turističkim mjestima.

## Član 10.

Prikupljena sredstva boravišne takse raspoređuju se:

1. 80% sredstava turističkoj zajednici kantona,
2. 20% sredstava Turističkoj zajednici Federacije BiH.

## Član 11.

Turistička zajednica kantona je dužna sredstva koja joj pripadaju od boravišne takse rasporediti na sljedeći način:

1. 45% za unapređenje turizma,
2. 10% namjenski za očuvanje, zaštitu i obnavljanje prirodnog nasljeđa i za kulturno-historijsko nasljeđe i koji imaju turistički karakter i turistički potencijal

Sredstva iz stava 1. tačka 2. ovog člana raspoređuje se na osnovu programa i odluke koju donosi Vlada, a na prijedlog kantonalnog ministarstva nadležnog za turizam.

Prihodi ostvareni u stavu 1. tačka 2. ovog člana koriste se prema programu koji utvrđuje Vlada za narednu godinu, a na osnovu prikupljenih sredstava iz prethodne godine.

## Član 12.

Pravna i fizička lica koja pružaju usluge noćenja u smještajnom objektu iz člana 2. stav 3. ove Uredbe, dužna su, u roku od 24 sata, po dolasku prijaviti i po odlasku objaviturističkoj zajednici kantona sva lica kojima se pruža usluga noćenja u smještajnom objektu.

Oblik i sadržaj obrasca prijave boravka građana koji se koriste uslugama noćenja u smještajnim objektima, te sadržaj i način vođenja evidencije o boravku građana u smještajnim objektima, propisaje ministar.

## Član 13.

Pravna i fizička lica koja pružaju usluge noćenja, odnosno usluge korištenja veza u smještajnim objektima i lukama iz člana 2. stav 3. ove Uredbe naplaćuju boravišnu taksu istodobno s naplatom pruženih usluga.

Iznimno od odredbe stava 1. ovog člana, kada pravna i fizička lica naplatu boravišne takse obavljaju istodobno s naplatom usluge pružene na osnovu ugovora, ista su obavezna boravišnu taksu uplatiti tri dana nakon naplate računa, a najkasnije u roku od 7 dana po pruženoj usluzi.

U računu za usluge noćenja, odnosno korištenje veza, posebno se označuje iznos naplaćene boravišne takse, a u slučaju iz čl. 4, 5. i 6. ove Uredbe navodi se osnov oslobađanja od plaćanja, odnosno plaćanja 50% ili 30% dijela.

## Član 14.

Pravna i fizička lica iz člana 12. stav 1. ove Uredbe dužna su uplatiti boravišnu taksu u roku od pet dana po isteku svake sedmice na uplatni račun turističke zajednice kantona.

Turistička zajednica kantona obavezna je, tri dana od proteka roka za uplatu iz stava 1. ovog člana, prispjela sredstva doznačiti korisnicima iz člana 10. stav 1. ove Uredbe.

## Član 15.

Nadzor nad prijavom boravka građana koji se koriste uslugama noćenja u smještajnim objektima u

## Hercegovačko-neretvanskog kantona

turističkom mjestu izvan svog prebivališta, u smislu člana 2. ove Uredbe, nadzor nad naplatom i uplatom boravišne takse, kao i nadzor nad raspoređivanjem sredstava boravišne takse iz člana 10. ove Uredbe obavljaju kantonalni i općinski organi uprave nadležni za inspeksijske poslove u HNK i Porezna uprava Federacije Bosne i Hercegovine, svako u okviru svojih nadležnosti utvrđenih propisima.

Obaveznici plaćanja boravišne takse dužni su podnijeti godišnju prijavu nadležnoj ispostavi Porezne uprave Federacije Bosne i Hercegovine, prema sjedištu obaveznika, do 28. februara tekuće godine za prethodnu godinu, a u skladu sa odredbama Zakona o Poreznoj upravi Federacije Bosne i Hercegovine i Pravilniku o podnošenju prijava.

Prinudna naplata se sprovodi po propisima o naplati poreza i doprinosa.

Pravna ili fizička lica koja pružaju usluge noćenja u smještajnim objektima odnosno korištenje veza u luci nautičkog turizma, te vlasnicima iz člana 3. ove Uredbe koji u propisanom roku turističkoj zajednici kantona ne uplate sredstva boravišne takse, nadležni inspektor rješenjem će naložiti da sredstva boravišne takse uplate turističkoj zajednici Hercegovačko-neretvanskog kantona.

## Član 16.

Novčanom kaznom od 700,00 do 7.000,00 KM, kazniće se za prekršaj pravno lice koje pruža usluge noćenja u smještajnom objektu odnosno korištenja veza u luci nautičkog turizma, organizator grupnog putovanja-agencija, ako:

1. u svakom pojedinačnom slučaju ne naplati boravišnu taksu istodobno s naplatom noćenja u smještajnom objektu odnosno korištenja veza u luci nautičkog turizma i iznos boravišne takse posebno ne naznači u računu, te ako sredstva boravišne takse ne doznači u roku od tri dana nakon naplate računa, a najkasnije u roku od sedam dana po pruženoj usluzi (član 13.),
2. boravišnu taksu ne uplati u roku od pet dana po isteku svake sedmice na račun turističke zajednice kantona (član 14. stav 1.),
3. ne prijavi boravak građanina koji koristi usluge noćenja u smještajnom objektu u skladu sa članom 12. stav 1. ove Uredbe.
4. ne podnese godišnju prijavu nadležnoj ispostavi Porezne uprave Federacije Bosne i Hercegovine (član 15. stav 2.)

Novčanom kaznom od 200,00 do 2.000,00 KM, kazniće se odgovorno lice u pravnom licu za prekršaj iz stava 1. ovog člana.

Fizičko lice koje pruža usluge noćenja u smještajnom objektu, odnosno korištenje veza u luci nautičkog turizma, za prekršaj iz stava 1. ovog člana kazniće se novčanom kaznom od 100,00 do 1.000,00 KM.

## Član 17.

Novčanom kaznom od 50,00 do 250,00 KM kaznit će se za prekršaj građanin u domaćinstvu koji paušalni iznos boravišne takse nije uplatio na uplatni račun turističke zajednice kantona do 31. jula, odnosno 30. septembra tekuće godine (član 7. stav 4.)

## Član 18.

Ova Uredba stupa na snagu danom donošenja, a objavit će se u "Službenim novinama Hercegovačko-neretvanskog kantona".

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON  
V L A D A

Broj: 01-1-02-1377/10  
Mostar, 15.7.2010. godine

P R E D S J E D N I K  
Srećko Boras, s.r.

## 307

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona ("Službene novine HNK", broj: 3/07 i 5/09) i člana 51. stav 3. Zakona o turističkim zajednicama i unapređenju turizma u Hercegovačko-neretvanskom kantonu ("Službene novine HNK", broj: 5/00), Vlada Hercegovačko-neretvanskog kantona je na nastavku 56. sjednice održanom 15.07.2010. godine 2010. godine, donijela

## U R E D B U O ČLANARINAMA U TURISTIČKIM ZAJEDNICAMA HNK

## Član 1.

Ovom Uredbom utvrđuju se: kriteriji za razvrstavanje turističkih mjesta u razrede, raspoređivanje članarine, skupine privrednih djelatnosti i postoci po kojima se obračunava i plaća članarina turističkoj zajednici, rokovi za uplatu članarine, kao i nadzor nad naplatom članarine.